

page :

M005

條目：

《大乘寶月童子問法經》

內容：

寶 34 功德寶華敷菩薩會（11） 菩提流志譯

十方十佛——持名功德

大乘寶月童子問法經（14） 施護譯

1、為（頻婆娑羅王子）寶月童子說

2、十方十佛。「聞已恭敬受持、書寫讀誦、廣為人說，所有五逆等一切罪業，悉皆消除，亦不墮地獄、傍生、焰魔羅界，於無上正等正覺速得不退。」（一〇九中）

出處：

寶 34 功德寶華敷菩薩會（11） 菩提流志譯

十方十佛——持名功德

※參見《大寶積經》卷 101〈34 功德寶花敷菩薩會〉（CBETA, T11, no. 310, p. 565, a12-p. 566, a27）。

大乘寶月童子問法經（14） 施護譯

1、為（頻婆娑羅王子）寶月童子說

※參見《大乘寶月童子問法經》卷 1（CBETA, T14, no. 437, p. 108, c14-21）：

「是時，**頻婆娑羅王子名寶月童子**，因為事故乘大龍象出王舍大城。遙見世尊，即下龍象，而詣佛所。到已致敬，頭面禮足，住立一面。寶月童子白佛言：「如來、應供、正等正覺！唯願世尊，說彼十方如來所有名號。若有信心善男子、善女人，聞是名已，所有五逆等罪及一切業障，悉皆消除，於無上正等正覺速得不退。」

2、十方十佛。「聞已恭敬受持、書寫讀誦、廣為人說，所有五逆等一切罪業，悉皆消除，亦不墮地獄、傍生、焰魔羅界，於無上正等正覺速得不退。」（一〇九中）

※參見《大乘寶月童子問法經》卷 1（CBETA, T14, no. 437, p. 109, b9-18）：

「於意云何？童子！於過去大無數，及廣大無邊無數劫，時有世界名曰寶生，彼有如來，名精進吉祥，應供、正等正覺，彼十如來於精進吉祥佛所為菩薩位，於其佛前供

養發願：『我等各於佛剎成無上正等正覺之時，若有眾生經剎那間至須臾之間，聞我十佛名號，聞已恭敬受持、書寫讀誦、廣為人說，所有五逆等一切罪業悉皆消除，亦不墮地獄、傍生、焰魔羅界，於無上正等正覺速得不退。』」

條目：

《佛說大乘大方廣佛冠經》

內容：

佛說大乘大方廣佛冠經（14） 二卷 法護等譯

上卷為迦葉說東方六佛及六菩薩。

下卷說南方三佛，北方一佛，東方一佛。亂。

「為令諸初發心菩薩，成熟善根故有所宣說。」（一一〇上） 稱念受持

出處：

上卷為迦葉說東方六佛及六菩薩。

※參見《佛說大乘大方廣佛冠經》卷 1 (CBETA, T14, no. 438, p. 110, a22-p. 111, a26)。

下卷說南方三佛，北方一佛，東方一佛。亂。

※參見《佛說大乘大方廣佛冠經》卷 1 (CBETA, T14, no. 438, p. 111, b6-p. 112, c14)。

「為令諸初發心菩薩，成熟善根故有所宣說。」（一一〇上） 稱念受持

※參見《佛說大乘大方廣佛冠經》卷 1 (CBETA, T14, no. 438, p. 110, a22-24)：

爾時，世尊告尊者大迦葉言：「迦葉！我今為令諸初發心菩薩，成熟一切善根故，有所宣說；汝等諦聽，極善作意。」

條目：

《佛說諸佛經》

內容：

佛說諸佛經（14） 施護譯

1、目乾連問色究竟天，經於何時乃有佛出。天言「滿百千劫」。佛斥其非，廣說佛名，並謂「彼一一佛，從初發心乃至成等正覺，皆是經歷無數之劫。」（一一三下）

出處：

※參見《佛說諸佛經》卷 1 (CBETA, T14, no. 439, p. 113, a3-12)：

爾時尊者大目乾連，聞已信受，即入三摩地，譬如力士屈伸臂頃，從色究竟天還到王城，即如常日，次第乞食。食畢澡漱收衣鉢已，往詣佛所。即以頭面禮佛雙足，修敬畢已，在一面坐，合掌瞻仰，而白佛言：「**世尊，我於今日食時欲至，入三摩地往色究竟天，問彼天人：『經於何時有佛出世，證無上菩提？』彼百天主同聲告我：『滿百千劫，有佛出世，證無上菩提。』**世尊！我雖信受，是事云何？唯願世尊，為我開說。」

※參見《佛說諸佛經》卷 1 (CBETA, T14, no. 439, p. 113, c22-25)：

「大目乾連！**彼一一佛，從初發心乃至成等正覺，皆是經歷無數之劫。**我從發心至今成佛，劫數甚多，不可算計。彼色究竟天，少知少見；汝勿生疑。」

條目：

《五千五百佛名神呪除障滅罪經》

內容：

五千五百佛名神呪除障滅罪經（14） 八卷 闍那崛多譯

稱名，禮拜，受持，讀誦，憶念不忘。

稱名，懺悔，隨喜，勸請，迴向法界。（一四、三一八下）

出處：

※參見《五千五百佛名神呪除障滅罪經》卷 1 (CBETA, T14, no. 443, p. 318, a20-b9)：

爾時，世尊告彌勒菩薩言：「彌勒！東方去此佛剎，有十不可說諸佛剎土，億百千微塵數等。過是諸佛剎，有一佛土，名曰解脫主世界，彼世界內有一佛，名曰虛空功德清淨微塵等目端正功德相光明華波頭摩琉璃光寶體香最上香供養訖種種莊嚴頂髻無量無邊日月光明願力莊嚴變化莊嚴法界出生無障礙王如來、阿羅訶、三藐三佛陀，現在隨心欲行道逍遙在處說法。若善男子、善女人，犯四波羅夷，是人罪重，假使如閻浮利地變為微塵，一一微塵成於一劫，是人有若干劫罪，**稱是一佛名號、禮一拜者，悉得滅除；況復晝夜受持、讀誦、憶念不忘者，是人功德，不可思議。**彼世界中有一菩薩，名曰難匹無障礙王，而如來授彼菩薩記，當得成佛，號曰毫相日月光明焰寶蓮華固如金剛身毘盧遮那無障礙眼圓滿十方放光普照一切佛剎相王如來、阿羅訶、三藐三佛陀、善逝、世間解、無上士、調御丈夫、天人師、佛、世尊。」

※參見《五千五百佛名神呪除障滅罪經》卷 1 (CBETA, T14, no. 443, p. 318, c11-24)：

爾時，佛告彌勒：「若有正信善男子、正信善女人，**至心稱此十二諸佛名號之時，經於十日，當修懺悔一切諸罪，一切眾生所有功德皆當隨喜，勸請一切諸佛久住於世，以諸善根迴向法界，**是時即得滅一切諸罪，得淨一切業障，即得具足成就莊嚴一切佛土，成就具足無畏，復得具足莊嚴身相，復得具足菩薩眷屬圍遶，復得具足無量陀羅

尼，復得具足無量三昧，復得具足如意佛剎莊嚴，亦得具足無量善知識，速得成就如上所說不增不減，在於煩惱中行阿耨多羅三藐三菩提，而得端正可喜果報，亦得財寶充足，常生大姓豪族種姓之家，身相具足，亦得善和眷屬圍遶。」

條目：

《佛說百佛名經》

內容：

佛說百佛名經（14） 那連提耶舍譯

「聞是諸佛名號，受持讀誦、恭敬禮拜、書寫供養、展轉教他，所得功德無量無邊。」（三五四中）

出處：

※參見《佛說百佛名經》卷1（CBETA, T14, no. 444, p. 354, a23-b6）：

爾時，佛告舍利弗：「善哉，善哉！汝今為欲利益安樂諸大眾故，覆護憐愍諸眾生故，令諸眾生所求滿故，欲令一切生歡喜故，亦為未來諸菩薩等增善根故，善哉，善哉！生善覺觀，作如是問。如是問者，皆是如來威神之力。舍利弗！汝今諦聽，若有善男子、善女人，聞是現在諸佛名號，能受持者，一切魔眾於是人所不得其便，一切惡人亦不得便，獲得無量無邊甚深功德，隨所生處具菩薩行，得宿命通，顏容端正、眾相具足，常得親近、供養諸佛，乃至速成阿耨多羅三藐三菩提。何以故？舍利弗！若有聞是諸佛名號，受持讀誦、恭敬禮拜、書寫供養、展轉教他，所得功德無量無邊。」